

CASTI INNOCENTIS
ANSALDI
ORDINIS PRÆDICATORUM
ORATIO

Ferrariensi in Atheneo habita

In Dedicatione

PUBLICÆ BIBLIOTHECÆ

ANNO

MDCCLIII.




FERRARIÆ apud Josephum Barberium *Superiorum Facultate.*



PRÆCLARISSIMIS NOBILISSIMISQUE
VIRIS BARTHOLOMÆO MASIO SAPIEN
TUM JUDICI, GUIDONI BENTIVOLO
ET CHRISTINO BEVILAQUÆ REI LIT
TERARIÆ CURATORIBUS, CETERIS
QUE FERRARIENSIBUS DECEMVIRIS
ORATIONEM HANC SUAM IN DEDI
CATIONE PUBLICÆ BIBLIOTHECÆ HA
BITAM D.D.D. CASTUS INNOCENS AN
SALDUS ORDINIS PRÆDICATORUM





Eti is ego sum, qui verba ex hoc loco facturus,
 hilaris semper ad dicendum accesserim, nunquam
 tamen adeo vehementi actum me intellexi jucun-
 ditatis affectu, quanto hodierna die persasum
 cumulatunquē esse contestor. Quum enim prae-
 teritis annis sermo a me institui solitus esset de ratione
 Theologiae, aliquam fateor, non poteram non suscipere vo-
 luptatem, cum ob nobilissimi genus argumenti, tum etiam
 quod Viros alloquerer bonis artibus, sacrisque praesertim
 studiis expositos. Verum, quam suavior jucundiorque se se
 mihi hodierna obicit luce dicendi causa, singulare vestrum, PA-
 TRIAE PROCERES PRAESTANTISSIMI, celebraturo bene-
 ficiū,

cium, verbaque facturo de Ferrariensi publica Bibliotheca, tam magnifica, tam splendida, tam ornata, quam manifestissimo omnium Civium plausu hoc anno dedicatis; præsertim quum meus sit ad Vos sermo dirigendus, Vobisque, et meo a me, et eorum præsertim nomine, quos mihi vel officiorum, vel studiorum necessitudine conjunctos puto, maximæ ingentesque agendæ sint gratiæ et immortales! Quid enim faustum fortunatumque magis, quid magis decorum evenire mihi poterat, quam in frequentissima hac multitudine, quæ ad audiendum convenit, beneficii vestri magnitudinem saltem declarare? Equidem sat novi, tam grandi, tamque insigni muneri imparem futuram Orationem meam: Verum quis ea foret sermonis vi excultus, eaque polleret dicendi facultate, meritas ut Vobis referre grates, et pro dignitate unquam posset, compositæque et diserte omnium erga Vos sensus animi exprimere? Eo certe nomine plus Vobis debemus, quam ut unquam solvendo esse valeamus. Et si igitur vereor ne arrogantis sit adhuc velle dicere, quia tacere tamen, turpe magis esset, quia esset ingrati, date mihi quæso et obsecro hanc veniam, ut facinus hoc illustre vestrum qualicumque prosequar prædicatione; idque beneficio, quod excelso animo tribuistis, generosiore animo adjicite, ut non satis dignas de eo Vobis haberi grates permittatis.

JAM PRÆSIDIUM QUANTATIQUE NOBIS, STUDIORUM PRÆSIDENTES, BENEFICENTISSIMI, contuleritis utilitatem omnes arbitror facile intelligent, qui quanta sit publicæ necessitas Bibliothecæ, quaque animi magnitudine, qua tempestate, quo loco, qua denique forma et elegantia, quantoque eam exstruxistis apparatus, animadvertent. Et sane, quam impervium in præsens sit absque ingenti Librorum multitudine in studia non dicam vehementer incumbere, sed in ejisdem aliqua solum etiam cum laude versari, si tantum ignorare possunt, quibus incompertum est, quantus sit cum veterum, tum recentiorum etiam numerus Scriptorum, qui Disciplinas omnes summo labore, summa industria, summaque felicitate per-

pertractarunt. Præter enim præstantissima tot venerandæ Antiquitatis ingenia, quæ veritatis inveniendæ viam feris. Ne potibus præmonstrare, quot, obsecro, egregii præclarissimique Viri a renatis in Europa litteris per operosissimas scientiarum semitas rursus incessere? quot erudè verè monumenta? quot systemata excogitare? quantis naturæ cognitionem tentare experimentis? quot quantaque in lucem protulere acute et ingeniose adinventæ? Ut autem hi absque assidua veritiorum, sui que temporis Auctorum lectione per morosum artium et scientiarum iter nunquam incedere sine errore potuissent; ita et Nos nisi præviis prioribus illis non modo scientiarum Inventoribus, sed iis etiam qui tantos Duces feliciter sequuti sunt; et nisi eorum in Elucubrationibus diu nocturneque meditandis crudeli prope diligentia versemur, ad optimarum quidem studia artium animum appellere poterimus, nunquam iisdem vero ita devoveri, ut absolutam perfectamque humanarum, divinarumque cognitionem rerum consequamur. Num fuisse futurum quis putet, ut Cælius Calcagninus, Lylius Gregorius Giraldus, Ludovicus Arceus, Antonius Musa Brasavola, sexcentique alii, qui clarissimæ huius Urbis nomen et gloriam immentum protulere, tantam ad virtutem, tantamque ad sapientiam pervenire potuissent, exindeque tantum decus, et tanta consequuti fuissent laudum præmia, nisi innumeros Scriptores consulissent, innumeras lustrassent Elucubrationes, innumeros evolvisent Commentarios, et, Apes veluti ingeniosæ, quicquid pretiosioris succi infinitis erat in floribus prudenter decerpentes, sua denique in mella derivassent?

Quum vero hi florerent splendidissimorum ætate Mæcenatum, qui Musarum olim huius Urbis dulce decus et præsidium fuisse, nil sane mirum, horum eos ope, omni libraria suppellectili affluxisse, omnique Uoluminum genere abundasse. Uerum quam opposita foret hodierni temporis conditio, nisi Vos, PATRIÆ PROCERES AMPLISSIMI, Regios prope induissetis animos, opemque inopia Librorum laborantibus

munifice cumulateque tulissetis? Habuit, sat scio, inelyta hæc Civitas, exactis etiam felicibus illis Mæcenatum temporibus, Viros illustres, omnisque artis et disciplinæ gauros, et egregiis studiis institutos. Verum ejusmodi, vel rem bene amplam, uberrimam, copiosissimam possederunt, quæ sexcenta sibi Volumina immenso etiam pretio acquisivere, ut duo illi Cardinales Bentivoli, qui maxima hujus Patriæ lumina fuere; vel, ut de tot aliis cuique Vestrum notum est, nonnullos sibi Libros improbo labore, domesticæque detrimento rei comparavere; vel alio sub cælo ea invenere, quæ heic desiderabantur, scientiarum adminicula et subsidia. Nemo enim est tanta vi et acumine ingenii, tantoque discendi ardore præditus, ut absque idonea Librorum copia, grande quid, præclarum, elatum, magnificum in re litteraria et splendidum non dicam perficere, sed etiam versare se posse animo confidat. Certe audenti conantique hoc in genere ardua, nisi præsto sit ingens Scriptorum manus, magnus sine viribus ignis incassum furit. Qui autem fieri posset, ut privatæ conditionis homines in maximas aliquando rerum omnium difficultates et angustias conjecti, solaque diuturna paupertatis patientia ornati, optatam sibi Voluminū congeriem compararent, quum et eorum non sit impensas facere supra modum, et hodierna studiorum ratio immodicos Librorum sumptus postulare videatur? Jacuissent igitur tot et tam nobilia Ferrariensium ingenia, neque ad Majorum instituta, adque Civitatis disciplinam erudiri potuissent; jacuissentque hæc in Urbe nobiliores artes atque scientiæ, neque mirabiles suar ardore ciere valuissent, nisi Academia hæc tot fuisset ornamentis, PATRIÆ PROCERES AMPLISSIMI, vestro recreata beneficio, ut ad veterem et priscam illam dignitatem revocata esse putaretur. Ea autem inter ornamenta tanto magis Bibliotheca eminet, quanto majorem, ejus institutione, non alicui scilicet Litteratorum generi, sed omnibus qui studia fovent, adtulisset utilitatem.

Nemo tamen summam beneficii vestri amplitudinem satis intelligere unquam poterit, nisi animum ad eam prius converter-

verterit tempestatem, qua de publica constituenda Bibliotheca primum cogitastis. Te appello MASJ SAPIENTUM JUDEX PRÆSTANTISSIME, Te, inquam, appello, qui decem ante años hunc ipsum gerens Tribunatum, hac ipsa ornatus dignitate, quã tanto decore, tanta gloria, tam ingenti ornatum Ordinum admiratione toties sustinuisi, quique tum primum hanc ad rem animum, mentem, curam et cogitationem admovisti tuam; Tu, inquam, Tibi conscius, quanti eam negotii, quantæ sollicitudinis, quantæque difficultatis, rerum asperitates, et angustiarum temporum efficerent. Vix enim pacem inter se inierant, ut se iterum in arma colligerent summi Reges, bellumque denuo finitimis in regionibus redintegrarent. Grave illud, diuturnumque futurum, ut revera fuit, prospiciebat quisque, Italæ universæ, adeoque huic etiam Urbi exitiosum, quæ tametsi pacatissimo agat sub Imperio, extraque belli aleam et sortem esse videatur, non tamen extra belli damna, fontes infontesque nullo discrimine obruentis; et quo circumstrepente, aut tenui nimium, aut non sua vi nixi, alicuius æque, ac neutrius studio partis minuuntur. Dum igitur fit belli obtentus, bellique sedes iterum Italia, dumque ea, tamquam aucuparia avi usi Potentiores, acerbo quodam lusu, hinc rursus suo expellendos auspicio illos simulant, quos minime omnium expulsos volunt; dum denique exteræ Nationes ita suis commodis mala nostra metiuntur, nihil ut tam durum, nihil tam molestum sit, quod in bellica earum sive prospera, sive adversa fortuna non perpetiamur, quis de publica heic erigenda Bibliotheca cogitasset; quum simulatque increpuit suspicio bellici tumultus, artes omnes nostræ, omniaque præclara studia soleant ubique conticescere? Verum, non est magni animi in felicitate, et fortuna cogitare sublimia et excelsa: hoc est magni animi in calamitate et periculis grandis et maxima præstare. Nullæ igitur angustiarum, nullæ sinistrae temporum et rerum vices, aut tuum MASJ, aut tuorum Tribunitia in dignitate SUCCESSORUM animum frangere, aut a sententia dimovere potuerunt. Non enim institutum modo

perfe-

persequuti estis; sed ea etiam ratione, ut illud et maiestati
hujus Urbis; et hujus Academiae celebritati conveniret.

Siquidem mentibus circumspiciebatis vestris nuperrime ere-
ctas Italicas in Urbibus Bibliothecas, in maximis, sane am-
plissimas magnificasque, in ceteris autem pro locorum ra-
tione satis æstimandas. Itaque etiam atque etiam cogitabatis,
qualem Vos instituere deceret; posterioribus illis certe præ-
stantiorem, cum prioribus autem jure conferendam. Ipsa
etenim vestra hæc Patria, Deus immortalis! dici vix potest,
quantum decoris habet, quantum amplitudinis; quantum ma-
iestatis! In latissima uberrimaque planitie Padum inter utrum-
que assurgens, validissimisque circumsepta mœnibus; et ar-
ce munitissima protecta, qua perpetuarum latitudine via-
rum, qua transversarum elegantia ornatur! qua ædificiorum
magnitudine et forma! qua celebritate templorum et or-
natu! quo Nobilium splendore! qua Civium humanitate!
qua omnium pudicitia et pulchritudine pene divina femina-
rum! Hæc in Urbe quot augustissimæ Curie! quot magni-
ficæ plateæ! quot vetera bellicæ laudis Victoriæque monumen-
ta! quot recentia præstantiorum artium et ingeniorum de-
cora! quot pompæ et spectacula publica! qui Ludorum et
Chorearum apparatus! quæ mœnium amœnitas proceris un-
dique arboribus geminato ordine positis constarum, quarum
gratissimo aspectu; quasi pabulo quodam, oculorum acies,
quamlibet fatigata reficitur! Urbis in medio, Arcis in mo-
dum, Regia eminet; cujus murum perpetua fossa et tur-
ribus ingentissimis quadrato latere ornatum lambentes aquæ
lenocinanti ambitu circumplectuntur; eapropter inter mi-
rabilia Opera Italiae celebrata: Regia, ioquam, Principum
olim splendidissimorum sedes, nunc vero gravissimi pruden-
tissimique Purpurati Patris, dignitatem a suprema primam
præferentis, et Rempublicam Romana æque moderatione et
majestate administrantis; quare Civitas hæc vestra præcipuas
inter amplissimasque Italiae Urbes jure et merito recentiori
mereatur.

Hæc ipsa vero tanta Urbis vestrae dignitas et amplitudo;
quale

quale olim fuerit hoc Athenaeum manifestissime ostendit. Nam etsi multum ipsa Herculeæ debeat additioni, multum æque debuerit quondam Aulæ, quæ domesticis quamvis sæpenumero dissidijs, et sævioribus lacerata bellis, nunquam ea neglexit tamen, quæ hujus ad decus Urbis et gloriam spectare vniuebantur; multum denique Summis Pontificibus, qui magnifica et splendida vestræ huic Patriæ pacis ornamenta addidere; qui eam tamen plurimum etiam Academiæ debere vestræ dubitaret, is ex sermone hominum recenti memoriam erueret rerum Ferrariensium, non ex Annalium vetustate. Ut enim ætate nostra ditantur amplificanturque Urbes, et incolis frequentantur Regiones, aut licentia Sacrorum omnium, aut copia mercium et frequentia Negotiatorum; ita tum cum Urbs amplificata est vestra, pro arcano Imperii illorum temporum, id consequi solum posse credebatur Academiæ Professorumque fama, et frequentia undique confluentium Auditorum; quod Principibus olim vestris adeo curæ fuit, nihil ut omiserint, quo celebrioribus Præceptoribus grandi pretio, et Discipulorum gregibus dulcedine honorum prolectatis, Academiæ incremento Urbem hanc incolis et opibus locupletarent. Ipsa vero de Academia quam honeste, quam præclare, quam egregie præstantissimi mortalium sensere! Andreas Alciatus, Vir maximus, Oratione hoc in Lycæo habita quum docendi munus auspicaretur, quanti illud faceret, his verbis significare non dubitavit: *Scribit Ammianus Marcellinus, Alexandrina Academiæ tantam fuisse olim existimationem, ut ad summam Artis peritiæ ostendendam sufficeret si in ea se operam studij dedisse quis prædicaret; quod et de hac Universitate dici potest, in qua olim tot egregij Viri, et quorum edita sunt Opera, ut Salicetus, Aretinus, Felinus, Cessalus, Riminaldus, idque generis alij professi sunt. Jacobus vero Middendorpius, Libro de Academijs tertio, tantoque majori amore, inquebat, hanc Academiam Ferrariensem prosequi debemus, quanto plures Germanos erudit, qui omne Doctorinarum genus in Patriam charissimam referrent. Præconia præterco immensa, et laudes infinitas Atheneo huic ab exteris etiam*

etiam et longe distitis Scriptoribus tributas, qui, vel sola Theodori Gazæ, et Guarinorum acti fama, Universitatem hanc, Studiorum matrem appellavere. Quam multas hac in ipsa publica Studiorum Æde veterum præstantissimorum Professorum habemus expressas coloribus Imagines, non solum ad intuendum, verum etiam ad imitandum; ut eos scilicet semper nobis proponentes, animum et mentem nostram ipsa cogitatione hominum excellentium conformemus!

Quoniam vero istum in sermonem delapsi sumus, aliud statim succurrit mihi, et quidem apertissimum, PATRIÆ PROCERES AMPLISSIMI, excelsi animi vestri, vestræque singularis magnificentiae argumentum. Nempe deliberatum a Vobis est, publica ut hæc Bibliotheca non dignitati modo hujus Urbis, aut hujus Academiz nomini congrueret, verum etiam harum Musis sacrarum Ædium majestati. Ejusmodi vero Ædes quam amplæ sunt, quam splendidæ, quam magnificæ, quam augustæ! Ipsæ Regium olim Alberti Principis Estensis Ædificium, ipsæ Iohannis Paleologi, Græcorum Imperatoris, hospitalis quodam sedes, Regia ipsæ sedes Purpuratorum Estensium fuere. Has vero postquam Majores vestri in usum bonumque publicæ Academiz constituerunt, quibus etiam ornare accessionibus! quo cultu in majus protulere! Heic Atria nobilissima, heic amplissima Gymnasia, heic pulcherrimum Theatrum Anatomicum, heic Architectonices Picturæque Scholæ, heic Hortus, ut dicitur, Simplicium, heic vetusti prostant lapides, et Romanæ Inscriptiones, heic Sacophagi, sculptæque Veterum Imagines, heic quæcumque demum in Urbe reperiuntur vestra, idonea cum artibus et scientiis proferendis, tum etiam illustrandæ Antiquitati monumenta. Hujusmodi vero in Ædibus tam magnificis, tam splendidis, tam augustis, eam, PROCERES GENEROSISSIMI, instituendam duxistis Bibliothecam, quæ non ab Ædibus, aut ab Academia decus sibi sumeret, sed novo potius ipsis esset Ædibus, maximoque Academiz ornamento.

Jam vero, nulla videbatur esse ratio dubitandum, quin consilio par et animo futurus fuisset denique eventus. solet enim

enim summis semper magnisque Viris ad amplitudinem et gloriam, et ad res maximas benegerendas natis, esse, inquam, solet adjuncta divinitus fortuna. Et profecto rem votis felicissime cessisse, fatentur jam nunc illi omnes qui in tam nobile Opus vel oculos conjiciunt. Primam siquidem totius *Ædificii* prothographiam facit rectangula Ichnographia: cujus tripla latitudinis ad longitudinem proportio; conveniens vero geometrica in orthographia architectonica altitudo; atque potissimum ob accuratam columnarum et parastatum distributionem; ob venustam Dorici ordinis firmitatem; ob Vitruvianam in epythilio, zophoro, et coronide acribiam; ob elegantem politamque arcuum et fornicum concamerationem; tum denique ob *Picturarum* scenographicam adumbrationem et sedulitatem; *Emblematum* decus et eruditionem; perfectam in deferendis *Libris* cancellorum partitionem; paucis dicam, ob concinnam singularum partium commensurationem atque præstantiam, commodum et ornamentum, ejusmodi est, nihil ut amplius addi, nihil ei demi posse, nihil in ea posse desiderari videatur. Vitruviana vero juxta præcepta Orientalem non modo ad plagam unus vergit hujus *Ædificii* prospectus, ad aeris scilicet salubritatem, ad *Librorum* conservationem, et ad usum matutini luminis, quod in utilitatem legentium confert maxime; verum etiam despectum habet in subsidentem *Viridarii* amœnitatem, ad hilarandos animos nimia aliquando profundaque lectione et meditatione fatigatos; quare, non hujus modo *Cives Urbis*, sed exterarum etiam homines *Nationum*, qui illud sibi visendum constituere, immensas huic *Ædificio* laudes jure quidem optimo tribuendas esse censuerunt.

Neque tamen arbitremini, solam eos *Ædificii* pulchritudinem et majestatem fuisse admiratos. Maxima æque eos incessit admiratio de tam selecta, tam nobili, tam eleganti, tam magnifica *Librorum* copia omnis generis, omnium artium, scientiarum omnium, omnium *Linguarum*; habita tamen præti *Librorum* potius, quam numeri; præstantiæ, quam copię; delectus, quam multitudinis ratione: qua equidem in

re quantum Studiorum utilitati consulueritis ; **CURATO-
RES REI LITTERARIÆ SAPIENTISSIMI**, significari
vix potest. : Opprimitur siquidem ætas nostra inutili et into-
lerabili rudium indigestorumque Voluminum immensitate ,
quæ maximo esse solet progressui bonarum artium impedi-
mento. Animadversum jam olim est , Alexandrum , quum
præter Macedonas suos , innumerabilem cunctæ Græciæ , uni-
versoque indicere potuisset Illyrico delectum , nunquam ma-
jores tamen quadraginta millium copias duxisse : inhabile
regenti ratum quicquid ejusmodi numerum excederet , tur-
bamque potius quam Exercitum. Eadem igitur vestra fuit,
in delectu Scriptorum et Voluminum prudentia , turba im-
peritorum et vulgarium omissa et neglecta , receptisque in-
sinum Bibliothecæ solis iis, qui ad veram solidamque duc-
unt humanarum divinarumque rerum cognitionem. Horum,
certe inopia nos laborare non commisitis , **MODERATO-
RES PRÆSTANTISSIMI**. Prostant heic namque Codices
veterum præcepta Dialecticorum , summorumque exhiben-
tes Orationes Rhetorum , et elegantiorum carmina Poeta-
rum. Hi de re militari, illi de arte medendi pertractant,
alii de regionum terrestrium scientia et maritimarum , alii
de rerum principiis et causis, aut recentioribus Philosopho-
rum experimentis. Quot memoriam rerum gestarum conti-
nent ! quot divinis de rebus et Legibus edisserunt ! quot de
communi Civium , de hominum , de Gentium jure, deque
omni virtutis genere plane cumulateque agunt ! adeo ut ars
nulla, nulla scientia aut facultas prætermissa esse videatur.
Itaque hoc in loco dici summo jure potest , disciplinas om-
nes commune quoddam habere vinculum , et mira cognatio-
ne inter se contineri ; omnesque Musas secum invicem cho-
rum in eo exercere , se seque cantu suavissimo excipere ;
quo sane ex concentu quis maximum adventurum dubitet
Patriæ vestræ emolumentum ?

Huic autem Musarum agmini Apollinem deesse suum no-
luistis , **PATRIÆ PROCERES AMPLISSIMI**, sed Virum
celeberrimum, Johannem Andreæ Barottum , Civem ve-
strum,

strum, Bibliothecæ Præfectum constituistis, magnum hominem et excelsum, quem ipsa finxit Natura ad sapientiam, ad humanitatem, ad Patriæ Instituta, et ad omnes animi virtutes, veluti probitatis antiquæ absolutissimum exemplar. Itaque hoc etiam vestra maxima in laude ponendum est, illum: Vos selegisse, qui maximam jamdiu Elucubrationibus sibi suis comparavit gloriam, quique ob Cives servatos Civicam jam indeptus est coronam; quare jure et merito Ferrariensium Musarum curam ei commisistis, qui Ferrarienses Scriptores tanto studio, tot laboribus, tantaque felicitate ab Invidiorum morsu vindicavit. Maxima in laude vestra denique ponendum est, hoc Vos illi munus imposuisse, qui facile poterit tantum opus consilio regere et integritate tueri, suoque utilissimum efficere exemplo. Quid, tanto Ductore et Auspice, ab hoc ingeniosissimorum præsertim Juvenum cœtu non expectandum? Jam mihi videre videor selectissimam eorum manum, tamquam assidua in venatione, omnes hujus Bibliothecæ angulos, omnesque cancellos, acerrima indagine explorantem, quo optata humanarum divinarumque præda cognitionum potiatur. Eosdem mihi videre videor in feram sæpenumero incidentes, diligentia, industria, et constantia, omnia quæ hujusmodi venatorio in saltu aspera aliquando sunt, impervia, et condensa, facile demum feliciterque superare.

Sed jam modum Orationi intelligo ponendum, ubi initium ipsa sumere fortasse debere videretur; neque enim hæc multitudo ad audiendum convenit ut cognosceret ex me vestrum beneficium, aut illud quale sit, mecum fortasse recognosceret; sed satius ut de illo meis verbis gratias Vobis, si non meritis pares, at saltem pares animo referret. Est enim bonorum Civium gratam habere voluntatem, gratumque testari in eos animum, qui tam bene de patria, deque communi utilitate meruerunt. Erarrent illi tamen, qui huic officio præstando multa a me verba iterum facienda esse existimaret. Quæ enim disertior gratiarum actio commemoratione ipsa beneficii? Non aliter debitas certe grates immortalī Numini persolvimus.

Uti-

Utinam ego vero hoc monumentum tam splendidum, tam magnificum, tam ornatum pro dignitate celebrare potuissem. Utinam pro meritis significare potuissem qua animi amplitudine, qua tempestate, quo loco, qua forma et elegantia, quo denique Bibliothecam hanc extruxistis apparatu. Utinam potuissem satis etiam ostendere, eam revera non majestati modo hujus Urbis, quæ fama, quæ gloria, quæ doctrina, quæ pluribus artibus, quæ imperio et bellica etiam laude quondam floruit; nec antiquissimæ modo hujus Academiæ celebritati et nomini, sed amplissimo huic etiam congruere Studiorum ædificio; utinam, inquam, hæc omnia ita narrare potuissem, ut qui huc ad me audiendum hodierna die accessere, muneri me satisfecisse meo arbitrarentur; sumas tunc profecto Vobis, ACADEMIÆ MODERATORES SAPIENTISSIMI, habuissem gratias et imortales. Verum quum ob exiguam dicendi facultatem ea omnia præstare ipse non potuerim, num quis propterea nos ingratos videri formidabit? Nunquam Cælites hanc alicui mentem duint. Vultus enim noster, qui index est animi, quod Orationi defuit, satis, ut arbitror, exæquare potest; ipsaque muneris vestri magnitudo, ac si aram teneremus, copiose spondet confirmatque, obstrictos Nos Vobis fore memoria beneficii sempiterna.